


Zuwenkalo san 2015

San 46nan - Boko 521nan

Songo = dorome 35



Alikurane
bayélémana
bamanankan na


N° 8

Kunnafoniseben bota kalo o kalo - BP : 24 - Téléphone : 20.21.21.04 Kibaru bugufiyé Bosola Bamako

Sisan mögo murutilenw ka jekulu bëe ye bénkansében bolonobila

Goférenaman ni jekulu min bë wele tubabukan na Pilatiformu, bénkansében min labenna goférénaman ni koronfela mögo murutilenw ce, olu tun y'o bolonobila mekalo tile 15 san 2015, nka jekulu min bë wele Sema (CMA), o tun ma son k'a bolonobila fôlo. Tile 36 goférénaman ni Pilatiformu ka bolonobila kofé, Sema fana y'a bolonobila.

O kéra sibiridón zuwenkalo tile 20 san 2015, Bamako lajékesoba Seyisebe (CICB) la. Jamanakuntigi Ibarahimu Bubakari Keyita, ministirinémogo Modibo Keyita, Mali fangabulonw némogow, ministiri, Mali jamanakuntigi koro fila n'o ye Musa Tarawele ni Jónkunda Tarawele ye, ministirinémogo koro fila, ministiri koro d'ow, politikitow némogow, hadamadenya sabatiliéjekulu (sosiyete siwili) mögow ka fara mögoba wërew kan minnu ma son a ka d'ow k'u be kene kan, o bëe tun be bénkansében in bolonobila laban keli kene kan. Pilatiformu ni Sema mögo caman nana. Sema mögow tun ye Emenela peresidan dankan Mahamadu Jeri



Sidi
Ibarahimi
Uludu
Sadati y'a
bolono bila
bénkansében
na
Azawadi
mögo
murutilenw
ka jekuluba
togo la

Mayiga, Asiseyuya (HCUA) némogó Ali gabasi Agi Intala, Sidi Ibarahimu Uludu Sadati Emu AA (MAA) némogó. Pilatiformu mögow tun ye a némogó Metiri Haruna Ture ye. Fahadi Agi Alimahamudu tun b'o kéréf, ale ye Gatiya (GATIA) sekereteri zeneraliste, ka fara Umaru Uludu Mohamed Usumani kan, ale ye Emu AA (MAA) min bë Mali dème o mögo ye. Sidi Ibarahimu Uludu Sadati de y'a bolono bila bénkansében na Sema togola, n'oye Emenela n'a démebaaw

ka jekulu ye. Bénkansében bolonobilalén kofé, jamanakuntigiye jama bisimila Kuluba u ka sun tige nögón fe. N'o ye Sema némogó, Pilatiformu némogó, fokabennaw, diine némogow hadamadenya sabatiliéjekulu némogow ka fara ministiri kan; ka laban ka Ala deli bénkan min sörolen file goférénaman ni mögo murutilenw ce, a sinsinni na. Jamanakuntigi tun wasalen bë jama in cela kosebë; k'a sababu k'u farali

ye nögón kan san 3 futine kofé. O farajogonkan in sababu juman do kéra dije tönbaw ka déme ye. Mögo murutilenw y'a jira ko Emenela némogoba Bilali Agi Serifou de man kene sisan; k'o de y'a bali ka ye nin kene in kan.

Mahamadu Jeri Mayiga y'ale ka dankan ye. Ale kumana Sema togola. A y'a jira ko bénkansében min bolonobilalén file, a bëna ke sababu ye kumalogonya ka temé u ni goférénaman ce walasa Azawadi geleyawka furake. Akoben bëdamine ni nigirigelya dabibali ye u ni nögón ce. Ni d'o ye do janfa, lafiya te soro. O kofé a ye taasibila ke ka nésin mögow ma, minnu tora koronfekéle in na k'a damine san 2012 la. Ay'a jira fana, ko bénkansében in bëna ke boda juman ye goférénaman n'olu fila bëe bolo. Jamanakuntigi Ibarahimu Bubakari Keyita y'a ka nisondiya jira ninwaleya in sabatili la ka laban k'a jira Sema mögow la, ko jamana kanu, a bonyali ani dannaya mögow ni nögón ce, k'olu de nögón te.

Amadu M. Sise / Gaméri A. Diko
Dokala Yusufu Jara

Ministri némogó ka dantigé depitebulon kono, jamana taabolobaw kan

Ministri némogó Modibo Keyita sigira a kalo 6 ye nin ye. Nténendón zuwenkalo tile 8 san 2015, a taara depitebulonba kono, ka goférénaman taabolobaw dajira depitew la, u k'u hakililaw fô u kan, ka ben u kan, walasa u waleyali ka sabati.

Ay'a jira depitew la kogoférénaman taaboloba bolodara k'a ke dakunba fila ye :

Dakun fôlo ye jamanadenw n'u bolofén lakanani ye. Olakanani in fana bë ke ben ani basigi kono.

Dakun filan ye jamanadenw ka djenetigéko juman sabatili ye, ka yéléma don u ka nénamaya taabolow la, sariya labatoli ani damakéjeni sabatili hukumu kono.

Ministri némogó y'a jira ko goférénaman min bë baara la sisan, o bë temé ni baarabaw waleyali ye minnutun bolodara goférénamankoré temené fe. Nka o t'a bali hakilila

kuraw ka soro, dabali kuraw ka tige jamana joli siratigé la.

Fen min ye lakanako ye, goférénaman bëna a sinsin min kan, o bë bénkansében waleyali ye min bolonobilala Mali ni banbaanci fe, an'a démebagaw, koronfekéle banni kama. Bénkansében in waleyali bëna ni hakilisigi ni lafiya ye jamana kono, yiriwalibaaraw te se ka sabati minnu kô.

O hukumu kono halibi, sinsin bëna ke sordasiw taabolo kura n'u démeniwale bolodalenw waleyali kan. Ministri némogó y'a jira ko fen o fen ye sordasiw kalanni n'u degeli ye, goférénaman bëna do fara o baaraw kan ni césiri ye. Fen o fen ye kelekeminéko ye jamana te se ka lakana ani ka basigi minnu kô, goférénaman b'a césiri k'o bëe nini ka

A to be ne 2nan na



Goférénaman
bëna a sinsin
koronfekéle
oli kan ben ni
lafiya sabatili
hukumu kono

KIBARU REEDITION

Ne fofotó

di sordasiw ma. Fen o fen ye sordasiya danbe toli y'a la, ka sordasiya nege don sordasiw la, k'u ka baara diya u ye, ka fasokanu don u dusukun na, goferenaman bëna a seko damajira ke o bëe sabatili la.

Fenre minnu bolodara goferenaman fe ka jesinjamanadenw ka jenamaya sabatili ma, minisirinemogo y'a da don olu la kelen-kelen depitew ye :

O baaraw be boli soro dakunbaw yiriwali kan. Ni soro dakunbaw yiriwara, o be yelenyoro soro dakun misenninw kan. O herew be se jamanaden bëe lajelen ma.

Cike yiriwali min bolodara goferenaman fe, o jesinnen be cike taabolo kuraw matarafali ma. San 2014-2018 kono, goferenaman b'a cesiri ka taari 100.000 laben ji be walankata minnu koro. Jamana ka baarakénafo, o keme o keme, fila be tige o la, k'odon cike yiriwali dafe;

Isiniko siratigé la, goferenaman ni

Siniyaw bëna a kan ka tigatulubizini do jo Kita, ka logotizini ni bananku bayelema izini do jo Ofisinizeri kono.

Taamako nasiraw la, minisirinemogo y'a sinsin sirabaw dilanni kan. Segu ni Bamako ce gitonba dilanni k'a ke siraden naani taakasegin na, o b'a la. Sira min be teme Gomakura, Nanpala, Lere, Nafunke, Gundamu, Direyi ani Tumutu fe, o baaraw sen b'a la. Segu dugukonona sira belebele labenni sen b'a la. Segu ni San fana bëna ke sira belebele ye, siraden naani taakasegin na. Marakala dugu kono «esanzeri» do bëna jo u ka sirakunben na. O bolen ko yensiraba werewdilanni bolodalen: i n'a fo Zancebugu, Kolonjeba fo ka se Konowari dance la, Siraba kilometre 10 labenni Segu dugukonona na, Bamako ni Kulukorosira labenni ka babilo do jo Kayo, babilo were joli Kuworo ani barazi do joli Sikaso ni Kucala furance la, olu bëe sen be sirabako baara bolodalenw na.

Jolibaara werew bolodalen be goferenaman fe, minisirinemogo ka fo la

: o dow ye Bamako babilo naaninan joli ye, o nafolow ninini be senna. Baaraba werew nafololini be senna, i n'a fo Konakiri, Kankan, Kanjabuguni ani Bamako ce negesira dilanni, Bamako-Dakaro negesira labenni, Seware ni Gavo siraba dilanni, Gavo, Buremu, Kidali ani Alizeri dance siraba dilanni, Anbideli dankan labenni, Kayi dankan tabenni, Segu babi joli, burusikonesiraw labenni san 5 kono; o be ben kilometre 100 ma.

Ohukumukono, baara werew wari ninini be senna, i n'a fo kilometre 10 labenni Kajolo, Cen siraba dilanni. Bugunin-Manankoro fo ka se Konowari dance la, o siraba dilanni.

Sopkoani dugubaw joliko siratige la, demeso 5.000 joli bolodalen don ani so 1000 werew minnu nafolo be boankajamana anisilamejamanaw ka waribon kun.

Kalankosiratige la, kalanso 1.250 joli walima u labenni ka sigilanw ni tabali ni walamba bila u kono, o

bolodalen don. Lakolikaramogo caman be ta baara la : Kalansobaw karamogo 484, kalanso tow karamogo 4.072. Lakanabaliya be jamana yoro minnu na ni kalan ma se ka ke yen san damado ninnu kono, kalanso kerenkerennen 20 bëna dayele olu denmisewn togo la minnusib'a ta san 8 na ka se 12 ma. Jamana yoro minnu jama manca, lakoliso min dannen be Kalanso kelen ma, o 645 bëna jo o yoro la. Olu be jo kerenkerennenya la Gavo, Kidali, Moti ani Tumutu marabolow la.

Kenyako nasira la, minisirinemogo y'a jira depitew la ko sigida kenyaso ani sigida dogotorosoba, olu caman joli bolodalen be jamana kono. Kayi dogotorosoba joli bolodalen be. Denw ka jedimibana furakeyoro joli Iyota (IOTA) kono, joli saniyayoro do joli Sikaso ni Moti dogotorosoba la ani balokojuguyabana furakeyioronijoliw kafoyoro do joli Moti dogotoroso la, olu bëe bolodalen don.

Madiba Keyita / Mahamadu Konta

Minisirinemogo Modibo Keyita ni depitew ka hakilijagabo bulonba kono

Minisirinemogo kelen ko ka jamana taabolo dantigé depitebulon kono, tile saba o kofe, depitew y'a ka seben in sagesegé, ka nininkali caman ke a la, a y'u jaabi.

Goferenaman minisiri bëe lajelen tun be sagesegé in kene kan minisirinemogo Modibo Keyita kerefe, k'u ka dannaya da a kan, k'a deme. Depite minnu be fanga kanfo, n'olu de ye jama fanba ye depitebulon kono, olu folo de ye minisirinemogo ka dantigeliseben sagesegé, ka ben a kan, k'u ka dannaya n'u ka deme lakuvara ka jesin a ma.

Nk'o n'a ta bëe u y'a geleya goferenaman ma, a k'a janto ben ni basigi sabatili la jamana kono; bawo

Alizeri benkan bolonbilali n'a ta bëe, kele ni binkanni ni kojugubake be senna. Fen min ye angere juguw donni ye jamana kono, depitew da sera o fana ma. U y'a nini fura ka soro o la, wa ka forokenew labenni fana caya; bawo jamana te se a yere koro halibibalokola. Denmisewn ka kalanko n'u ka baarako, kuma caman fora olu kan. A şan caman ye nin ye lakolikalat te ka ke Kidali marabolo kono, o te ko benta ye jamana kono. Wa denmisewn ka garibuya fana jugualenbe bi kosebe, a kecogónuman ni juguman be ka jamana danbe bo ala. Fo fura ka soro o la.

Baaraw dili denmisewn ma, k'u kalan cakedaw sigili la senkan u yere ye, walasa u kana u jigi da

goferenamanbaara dörön kan, u ka se ka do ke u yere ye, k'u jo u yere kolo la, taakasegin caman kera o kumaw kan.

Nka depite minnu te ka fanga kanfo, olu ko u ma fen jenama ye minisirinemogo ka dantigeliseben kono. U ko a ma kuma kura fo ni körölen dama te. Sumayila Sise, miny'odepitew ka jenemogoye, oy'a jira ko minisirinemogo koni ye kumaw tere me ka taa dörön. Bakurubafo la, a ma fosi pereperelatigé ka jne, wa a m'a kandi k'a be fosi ke a jema lakika la.

Minisirinemogo kelen ko ka depitekul filia lamén, a ye kuma ta,

ka jaabi kenemanw di nininkali kelen kelen kan. Faamuyabaliya ani körötkojugu ye depite minnu koro caman na, a ye jigisiguma caman fo oluye, k'a ka kumaw kunc ni foli ni tanuni, ani barikada ye ka jesin depitew ma, ka da a kan, u y'u jo u jeyoré la. Laje in dabora hakilifalenfalen min kama jamana taabolo kan, o kera ka wasa.

Minisirinemogo y'a kandi lakana sabatiliko kan jamana kono. A y'a jira k'o bëna ke a ka baara koloma folow la, ka fara Alizeri benkan waleyali kan; denmisenninw ka baarako, kalanko ani yuruguyurugu ni jamana sonyali kelen.

Amadu M. Sise
Mahamadu Konta

Goferenaman ka tarakiteri nanenw ninicogo

Depite Bakari Kone ye nininkali ke sene minisiri la, goferenaman be ka tarakiteri minnusanka bila senekelaw kama, a do soro cogo la u fe. San 2015/2016 sene kanpani in na, goferenaman b'a fe ka tarakiterifeere sifileliké; ab'a sansongominna, ab'a di senekelaw ma o songo in tilance la. N'o ye songo kemesarada la, ka 50 bin ka bo o la. O siratigé la, goferenaman ye tarakiteri 1000 san sefawari miliyari 10. Sene minisiri y'a jira ko ni mogo min b'a fe ka do soro a la, i b'a nininiseben dilan ka kene ni bankijekulu kerenkerennen do ka sariya dantigelenye; sabula o jekulu de ye goferenaman deme u soro la. Taraakiteri nininiseben min be dilan ka lajini ke sene minisiri fe, d40 tenburu benoro o la. Kunnafoni fen o fen ye nafama ye a bugunnatigé ania ka dönniya kan baara siratigé la; o bëe be fara seben in kan. Misali la ni

mogo kelen b'a nini, a b'a ka karadante fotokopi ke k'o legalise; seben min b'o sementiya k'a lakodonnen don a ka marayoré senekeso fe; a sigiyoro sementiyali seben (seritifikade erezidansi); a ka Malidenya sementiyasében (seritifikade natiyonalite); a be seben were ke k'a sementiya o kono o kono, k'a tenu tarakiterin'a minensi kelenfeere, sarati min dara a ye a juru to sarati la fo k'o dafa; ani a ye wari kun folo min sara Beyenideya (BNDA), Bimu (BIM) walima Beyenmuyesi (BMS) ia, o warisarasébf fotokopi. Nin bëe de be fara nininiseben (demandi) kan.

Ni tarakiteri ninibaa ye cakeda do ye walina jekulu do, o togo dafalen n'a walecogo dajre surun, a ka eresibéé kunnafoni nafe raw, cakeda in sigiaré senkan, a kurniennaw, a sigiyoro n'fmogoba ka ajerpsi ania kakaradanta fotokopi legalisen, seben min b'a jira

k'a lakodonnen don a ka marayoré senekeso fe, seben min b'a jira ko cakeda in be jenamaya la (seritifikade iyabilité) ani cakeda in baarakela bëe jelen ka kandiseben (angageman kolektif). Baara dönniya kunnafoni ye : Tarakiterinina beninnu faranfasiya : foro taari hake seneta min b'a bolo, foro taari hake were min b'a bolo n'a ka seneni ma se o ma san 3 laban in na, nise b'a ye ka wari kun folo (awansi) sara, baarakela hake min b'a bolo k'o fo, a yewari hake min dona ka baaraw dafa an'a ye soro mmin k'o la san laban in na k'o dantigé, a k'a sementiya koseneke minenjurukoro la, k'a sementiya k'o banki si te ya dannaya tinei ni min ce.

Tarakiterinina ye cakeda do ye, a foro taari hake min sene a b'o fo, a ye taari hake min sene san

3 laban in na a b'o fo, seben min b'a jira k'a ye senekecakeda ye n'o dira a ma a ka marayoré senekeso ni Apekamu (APCAM) fe, k'a sementiya k'a bëse ka wari kun folo sara, juruseben dilanni garanti soro li k'a sementiya k'a bëse k'o musaka sara, ka cakeda in baarakela bëe n'u ka ketaw dantigé, ka san 3 laban in baara musaka an'u soro dantigé an'a be soro ke sira were minnu fe k'olu fo. Sene minisiri y'a jira ko goferenaman be tarakiteri ni ninnu jini watim na a na suguya (mariki) kelen dantigé. Jagokela 17 y'u kandi u pinini kama, a bëe y'a ka tarakiteri sorota suguya fo. Nka goferenama, sonna minnu ka suguya jinitaw la, o kera fila ye. TOTON ani Mahindara Mahindra) ye. TOTON ye Siniwajamana bolon ye, Mahindara ye Endujamana ta ye.

Gameri A. Diko
Dokala Yusufu Jara

LAWALEBARO

Mali Masabafanga : fanga jujon fo ka se Sunjata Keyita tile ma


Alimorawidiw kelen ko ka Gana ci, jamana tilala ka ke masabafanga misennin caman ye. San keme tan ni sabanan waati la (13è siècle), o masabafanga misennin do i n'a fo Manden, o ye sannayelenni damine fo ka ke masabafanga ye, min welela Mali.

I Mali masabafanga jujon

Mali bora Manden na. Masabafanga tun don, min sigilen tun be Sigiri ni Kita ce. Mandenyere tunye marabolo ye, min tun be Soso ka mara kono. Faâma minnu lakodonna Mali kunna kosebe, olu tun ye Jigi Bilali, Musa min tun be wele Alakoyi ani Nare Famakan Keyita. Sunjata min tun ye Nare Famakan denye, ale de sera ka Soso daga ta ka bo jamana dala, ka Maliko sigi senkan a nema.

II Sunjata Keyita tile

An ye Sunjata Keyita lakodon k'a sababu ke jeliw ka lakalliw ye. Mogo kolomamisen tun don. A meennna nabaraya la. Nare Famakan fatulen,



Mali masabafanga ja Sunjata tile la

Dankaran Tuman sigira fanga la o no na. Ale tun ye Sunjata balimake ye; nka u tun te ba la.

Sunjata taamana a san 7 kono fo ka laban ka ke donso farin ye, min nogonna tun ka dogo. A nengoya donna a balimake la, o y'a gen ka bo jamana kono. Sunjata yelemana

Mema ka kele kecogo dege ni maramafewn ye surakaw fe yen.

III Sunjata ni Soso faama ka kele a) Sumaworo tun ye Soso faama ye San keme tan ni sabanan waati la, Soso tun ye jamana farinba ye Afiriki tilebinyanfan fe. Sumaworo Kante

kera a faamaw do ye, min ye togo soro kosebe. San 1224, Sumaworo Kante ye Manden ci; o Dankaran Tuman min tun y'o faama ye, o bolila a je. O kelen Manden bilala Soso ka mara kono. Soso fanga nani bonyalen Manden Kaw kan, u ye wele bila Sunjata ma Mema, a ka na ka Manden bo bo lo la.

b) Sumaworo ka fanga binni

Mema faama min tun ye Tunkara ye, o ye kelebolo farinda Sunjata kan k'a labila a ka na Sumaworo kele. Masabafanga misennin fen o fen tun be Mema ni Manden ce, o caman faamaw farala Sunjata kan ka n'a nofe Sumaworo keleli la. U ye laben sabati Dakajalan ka soro ka sira mine ka Manden magen.

Sunjata k'o keleboloba in ni Sumaworo tawker a nogon na Kukuba, Batamba ani Kanbasika; nka o kelew si ma diya Sunjata ka mogow la. San 1235 de la, u kelen ka nogon soro Kirina, u ye se soro Sumaworo Kante kan. O kelen Sunjata Keyita sigira Manden fanga la.

Donni bondon : Fileli temesira do ye laturuda ye

Bi ma laturuda bila dije kono. Laturu be da Mali fan o fan fe, jatemin na a mogow bee y'a kalan bamananw fe. Sabula u mana ke siya o siya ye, n'u ye laturu da u b'a dugu kalan bamanankan de la. Laturu cilen k'a sensen, k'a wolo, a sow ni tijedenw togow foli, a be fo o de ma «tije dugu kalanni».

Hali n'i y'a soro tarikuw la, an y'a men ko laturu buruju bora Makan jamana kan, i b'a soro a donbaa folo Mali kono, o be son ka ke bamananw ye. O de la laturudalaw be wele ko bamananbaarakelaw. Kasoro bi-bi in na siya caman be laturu da Mali kono. I b'a soro u bee y'a kalan bamananw fe; fo n'a y'a soro min y'a kalan jamana were la. Laturuda ye fileli temesira do ye, min ka kan ka sebekoro jenini, k'a kalan a kalansow la ni mogow dalen b'a la ko nafa be se ka soro a dönniya la.

Mogo o mogow bolo be don laturu la, a bee be folo ka tije so tan ni wooc (16) dugu kalan ka se o la.

O kalancogo do de file :

Seeju be ni na, Adama be garijige la, Meléju be badu kono, Aliba be faso kono, Taliki be denjogonso la, Enzan be dimi na, Lomara be furuso kono, Alimankusi be banako, Alahutaala be sira kan, Teremise be masaso la, Sawu

be jigi la, Nuhun be juguya la, Gariyan be nafolo la, Sumana be kene kan, Sike be labanso la.

Mogo mana nin kalansen folo in durusi ka ban waati min na, a ka tije be soro ka jenjen; n'o ye ka laturuda yamaruya di a ma a karamogo fe. A be tijeda kalanni damine o kofe. Tije kalanni be teme sira fila fe.

Sira do ye ka tijeden tan ni wooc bugunnatige kalan. O kofe ka tije ci k'a sensen, k'a wolo k'a dugu kalan ani ka tijekan nefoli. O nefoli in donniya te karamogo kelen na. O be jenini tije nedonbaa werew fe.

Sira do fana ye tije cili, a sensen, a wololi, a dugu kalanni, tijedenw bugunnatige donni ani tijekan nefoli. O sira laban in na, karamogo be kon ka kalanden dege tije dali la walasa, o ka ke buguridala ye, ale ta ka ke tijekan nefoli dama ye.

Tije dacogo saba lakodonni don Mali kono. N'o ye tije kurunni, kalajan ani surukunin ye. Laturu nafa laboli hukumu kono, ni Ala sonna an sago don ka se hin bee dabaa jana daw ma kelen-kelen k'u fela don u ka taabolo kan. O kofe a ka dian ye ka tijedenw bugunnatigeli damine ni tije karamogo ka deme ye.

Dokala Yusufu Jara

Laturu buruju bora Makan jamana na

Laturuda ye ko koreba ye dije kono. Welecogo caman b'a la. Beledugu kono a be fo tije, o ye cencen kanje filanan doren foli ye. Dow fana b'a fo buguri. Maninkala a be fo kine; o ye cecen welecogo ye yenyoro la. Laturu folika ca Jitumin ni Bamakon'a lamini na ani Mali duguba caman werew kono. Larabuw b'a fo turabu; o danje in koro ye buguri.

Cetin Jara ye tijemasa ye ka bo Wolodo-Banankoro. A bangera san 1925 feburuyekalo tile 2. A bolo donnem tije na k'a kalan fo ka faamuyaba soro a la, a y'a jira k'a fa ye yamaruya di a ma, a k'a sigi ka

mogow jigi tug; sabula jama tun cayara a nofe kosebe. Mogow tun bena fo a ko waati caman na, walima u tun b'a soro a bolo degunnen don baara la a fa ye. K'a sigi mogow makow jenaboli kama, o yamaruya in dira a ma san 1947 waati la. Oni bi ce baara were te Cetin na tijeda ko. A be soro min k'a la, o b'a ka denbaya belebele in bato; o n'a ta bee a b'a ka soro fanba don sene dafe duba in baloli kama suman na ka teme a baloli kan suman sannina. A ka mogow hake ka surun keme na.

Tuma min na n ye n dantig Cetin ye, a y'a jira k'ale be kunnafonidilaw

ka bila la su ni tile. Ko taakasegin were tena ye a la, fo n'a y'a yoro ne yere labennen te ale nininkali kama?

Cetin ka fo la, laturu buruju bora Makan jamana na a meennna.

Tijeden 16 minnu be laturudalaw bolo, olu t'ogo larabukan n'a bamanankan file, ne ye min men Cetin da. Isufu (Seeju); Adama; Mahamadu (Meléju); Idirisa (Aliba); Ibarahima (Taliki). O Ibarahima de ye Alikaaba jo; Isa Bunu Mariyama (Enzan); Umaru Bunu Katahi (Lomara); Dawuda min ye Muluku Solomani fa ye (Alimankusi); Bubakari Sidiki (Alahutaala); Muluku Solomani


(Teremise); Ali (Sawu); Nuhun; Jön Bilali; Yuluza (Gariyan); Usumani Bunu Afana (Mori Sumana); Alasani (Lawusine); Musa Taramaalahu (Sike Musa) n'o ye Aramu denke ye.

Cetin ka fo la, ni mogo min bolo be don tije na, a ka soro i ye ce gana ye walima musofilatigi. Bilakoro ni musokelentigi bolo te don tije na Beledugu kono. Bolodon laadaw la, sis fili be di. Kelen be ke jeman ye, ka kelen ke finman ye. Woro fili be di. Jeman ni bilenman. Suman suguya fili be di. Sajo ni malo walima fini ni

A to be ne ñhan na

Sangabonda tu man kan ka ke kunko were ye

Hine dogoyara wuia kono. Bi mogow ja geleyara saya la fana. Saya dun ye Ala ka baara ye. Sangabonda tun ye hine ni makari yoro ye, ani teasibila ka nesin banbaato ma. Waatiw temena, ni saya, tun kera dugu kono, hali ni dunantunsera o dugu kono a dögokun kono, o tun b'a don ko saya kera yan. Dugumogow tun be nogon deme tile saba fo dögokun kelen kono dunanw ka dumuniko la ni saya kera dugu kono. A tun te ke ni yerejiranciyaye. Mogominka dumuni mana mo, o be dumuni do bo ka taa di sangabonda la ka banbaato somogow deme dumuniko la. Kasoro hine ni makari fe sangabondaladumuni kebaa tun te mogo bee ye.



Isa Jalo

Mogokorobawdoronde tunb'a dun ani kaburusennaw. Fen minnubeseenar, e, adurnuni bee tuny'olu ye. On'a ta bee, ga kelen-kelen be tobili kela do di ka taa fara banbaato ka dukonomogow kan dumuniko la. A suman si tun te bo du kono. Dugumogow tunb'a di u seko damajira la.

Nka an be don min na, sangabonda kelen be kunko were ye ka fara saya dimi kan. Wulakono ni saya kera, dutigi ni dudenw te kasi su la bilen. Ube kasi sangabonda doni girinya de koro. Nogondeme t'a la tuguni. Tobiliketaw te fara nogonkan, dutigi te bolomademe di sumanko la. Banbaato somogow be wajibiyaka malo san jossusu nesiranje fe, u ka se ka dumuni caman tobi ka jama bisimila. Banni tile 3 kono mogo caman te tobili ke a ka so. U bee be taa dumunimakono na sangabonda la.

Ube te yere nini banbaato somogow la ka tedagaw sigi. Hali n'i ko i be mogo min ci, o b'a fo k'i ka bolifen do singa ka di a ma, walima i ka taji

k'ale ka moto kono. N'i ma don da jugu fe, i ka suko te ke nogoya la. I b'i togo jugu men i kofe don Je la. A be fo k'i tsigema ka galen; walima k'i mako maye su in na. Wa n'i y'i tugu ka te tobi mogow ye, ni naji t'a la mogo si kelen bolo te don a la.

Bi mogow fillila u yere ma. A kerebete n'i ye fen juru ta mogo bolo banni konona na, sangabondasigi mana ban doren, a tigi be taakasegin damine i dala a kanini na. Ko n'a tun y'a don a tenu soro tile 3 walima dögokunkelen kono, k'a tun t'a di. Kasoro an be waati min na, kunko girinya fe, sangabondasigi be ban ka kalo 6 ke k'a soro i ma bo a dingue kono.

Isa Jalo ka bo Kodugu, Dugabugu komini na Kati

Samiye ka kan ka ke senekelaw bolo



Alu Koné

Yala senekela bee be samiye koro don wa?

N'a soro senekela bee be samiye koro don, senekela tun te koro ke samiye fe. Senekela tun te denkundi ke nena jeba ye samiye fe. Senekela tun te sangabondasigi kuntaala janya samiye fe.

Nin waleya ninnu damateme de be no koro ban senekela bolo; anik'aka foro sumansunw ke kosa ye samiye kono.

Nka ni senekela min ye samiye koro don, o b'a yere tanga waleya kofolen ninnu damateme keli ma samiye fe. Ni senekela min be samiye koro don, o ka bogobaara be ban kabini awirilikalo kono. Ni senekela min be samiye koro don, o be nogoyereke damine kabini sanji follow mana bin ani ka misidabaw laben ka bila, ka sarimisiw fana lamara a bolokoro.

Samiye nesigiba raw kebaa a waati la, o labennen be senekela tanga samiye fe. An b'a fo k'o tigi ni ce no koro tigya la. O tigi ni ce kongotow jigiya la.

O temenen kofe, ne be dugawu ke, Ala ka senekela tanga samiye fe. Ka tanga dugutaa kuntaala janw fana ma samiye fe. Ka senekeminan nafama nogoya senekela bee ye.

Alu Koné jagokela don Zoni Endisiriyeli la Bamako

Binfagan labaarali kelen be sangawuli kura ye senekelaw bolo



Soyibajan Jara

fe walasa u kana biri ka koresiyenni ke. Binfagan labaarali kelen be senekelaw fe ni fanga min ye bi, don nataw la u ta be son ka ke senekela fu ye. Posoni be ka ke ka foro bee fiye an fe. Senekela bannen ko, baganw bennu dumuni ke minni? Yala posoni doncogo jugu'kololo te sigida n'a lamini kan wa? **Soyibajan Jara ka bo Kodumandala Wolodjo, Nonkon komini na Kolokanin**

Fasokanw jodaba be wulakonbaaraw yiriwali la

Barakela mako be kunnafoni nafama na a waati la, walasa k'a ka baara ketaw boloda. O siratige la, senekelaw bilasirabaa jumanci ye erajo ni telewison ye jamana kono. Nka jatemine na, Mali kunnafonisoko ma faamuya wulakonbaarakelaw fe.

An ka nsana do b'a fo ko «surakadugu, dugutigi te surakakan men, a muso t'a men a denw t'a men, k'o b'i n'a fo konosogonin ka konomasaya. Ale te pan, a muso te pan a denw te pan». Mali kunnafonisokow b'o cogo la. Olu ka kan ka baarakelaw lafaamuya ni kunnafoni lakika minnuye, o fanba be fotubabukan na. Kasoroniye Senegali, Moritani i Lajine kunnafonisokow jatemine, oluka kunnafoni fanbaye uka fasokanw ye. Jamanadenfanba ani wulakonbaarakelaw mako be kunnafoni nafama minnu na, olu be fo o fasokanw na.

Bazumana Tarawele ka bo Deneenba, Namina komini na

Waati janw kofora, nka mogocamanhakili ka surun



Yaya Mariko

don ko dije ye tuma ni tuma ye.

Bamananw b'a fo ko mogo t'i bee fo, i kana ko bee fana ke. Ko ni mogo ma sa, ko bee juru b'i la».

Anw ka jamana be bolomin kan bi, yala an semako don wa? Hali denmisew ka lamoko juguya min be ka fo; o fana y'an semako ye wa? Bibi in na a ka di bee ye an ka segin korelen ma. Nka mogo si t'a fe o waleya in ka damine ale fe. Sabula an be farafin nansaramara min kono bi, ni mogo min ko i te o ye, an b'o tigi ke kodonbaliye. Oni mogo si te ben. N'o te, folo npogotigi sintun be sebekorobok'a soro a te duloki don, a te taafe selen siri; wa baasima fosi tun te o la. O tun ye musoya danbe do ye a waatiw la. A tun be don k'o muso suguya ye furubali ye. An kana kow da nogon ma. Kodajogonma, o ye kolagogye. Waati bee n'a lako don. **Yaya Mariko ko bo Senu Bamako**

Poyi : Sefa

Faransefa tun b'an fe. Don do sogoma fe, An wulila k'an jo, Ko fo faranfasiya. Faransefa taara, Faranmaline nana. Don do tilegan fe, Tilese kunce, U k'o fana ma ne, Ko faransefa ka segin. Ne ko sa o, Saratila min b'a la dun? Songoyelen min b'a la dun? Hami banbali! Bi toroko, Sini torokotoroko, Koni sefa tene wolo sefa la?

Bukari jara, Bamako

Kalankene n° 154 : Bamanankan na, waati temenen jiracogo ka ca

Bamanankan na, an b'a fo «kunun temena, an be bi la, sini be Ala bolo. O b'a jira ko waati ye saba ye, : kunun, bi ani sini.

Bamanankan maben hukumu kono, walima a sariyasun hukumu kono, waati temenen jiracogo ka ca : Jateminé na, an b'a ye k'a fo wale do temena nka a ma ban pewu, a be senna. A be fo k'o be waati temenen kunkala jan na. Waati temenen kunkala jan, o ni waati min be sanga tubabukan na, o ye «*Imparfait de l'indicatif*» ye.

Wale be se ka waleya waati la, min temena pepewu. A be fo k'o be waati temenen kaban na. Waati temenen

kaban, o ni tubabukan «*Passé composé*» be se ka sanga nōgon ma. Wale be se ka waleya waati temenen na, min ka koro ni wale temenen wēre ye. O be waati temenen koro la. Waati temenen koro ni tubabukan «*Plusque parfait*» be se ka sanga nōgon ma.

1 - Waati temenen kaban

Ni wale waleya waati temenen kaban na, o koro ye ko wale kebagu tilala wale kela la kaban.

Misaliw :

A sigira fanga la.

A nana a faso la.

A wolola san 2012.

Kolosiliw : «Sigira» waleganana ye (ka sigi) ye. «ra» min farala a kan, o

ye kōnōrō ye. «ra» ye walekōnōrō min b'a jira ko wale kera kaban pewu.

- «nana» waleganan ye ka «na» ; «na» min nōrōlēn b'a la, o ye kōnōrō ye. «na» fana ye walekōnōrō ye min b'a jira ko wale kera kaban pewu.

- «wolola» waleganan ye (ka wololo)

«la» min nōrōlēn b'a la, o ye kōnōrō ye.

«la» ye kōnōrō ye min b'a jira ko wale

kera kaban pewu, o tuma a fana ye walekōnōrō ye.

O la, an b'a ye k'a fo walekōnōrō «ra, la, na» ye waledemēnanw ye, u be wale ketuma jira. U b'a jira kerēnkērēnneny la ko wale kera kaban pewu. Waleyali hukumu kono, umana nōrōwale la, ub'a jira k'owale

be waati temenen kaban na, n'o ye «*Passé composé*» ye tubabukan na.

Misaliw

n sigira n nana n wolola

i sigira i nana i wolola

a sigira a nana a wolola

an sigira an nana an wolola

a' sigira a' nana a' wolola

u sigira u nana u wolola

Kolosiliw: Ni signidēn « r », « I » walima nunnafo « n » be dajē kannē laban na, o be se ka kē sababu ye ka yelēma don walekōnōrō cogoya la. Sorocogo wēre be waati temenen kaban na. An da bēna se nin bē ma kelen-kelen.

Mahamdu Konta

Dukene n° 128nan : Sikaso marabolo

Sikaso marabolo ye Mali marabolo sabanan ye. A faaba ye Sikaso ye, kenedugu faaba don. A kene bonya ye kilometerekene 71.790 ye (km2 71.790). O be benjamana dugukolo 5,8% ma.

Sumaya min be Sikaso mara kono ani sanji hake min be na, olu ka ca ka teme Mali yoro to bēe ta kan. Sanji min be na san kono, o hake b'a ta milimētē 700 la ka se 1.500 ma. Funteni hake bērebennensankono, o be degere 27 la.

Dugukolo sanfela cogoya sira fe, kulu mankanw ni kulu janw be marabolo woroduguyanfan fe. Kulucefolonbaw ani falaw be marabolocermance n'a kēnekayanfan fe. Kenedugu kulusenjanya be metere 800 la.

Jiboloko siratige la, ba joliba bolofara dōw be Sikaso mara kono : Sankaranin be marabolo kēnekayanfan fe, o be teme ni kōwjiw ye ka taa Joliba la Bamako kofe.

Banin be marabolo woroduguyanfan fe. Ale be teme ni Bawule, Bajé ani Bafin jiw ye, ka taa bila Joliba la Moti.

Jirituko siratige la, Sikaso mara jiri n'a bin n'a tufinka ca ni Mali marabolo bēe ta ye. Kungo lakananen 26 be yen, minnu kōlsilēn don jamana fe, o be bentari 339263 ma. Kungosogow dagayoro belebele 2 be yen, jamana kelen be ka minnu kōlsi, olu ye, Siyankadugu ani Lénendugu ye Buguni kafé kono.

Sikaso marabolo be Mali woroduguyanfan fe. A ni Kulukōrō marabolo be danbo kēneka tilebin bolokan. A ni Segumarabolo be danbo kēneka kōronfēbolo kan. Kōron fe, a ni Burukina Faso be danbo. Woroduguyanfan fe, a ni Kōnwari be danbo. Tilebin fe, a ni Lajine be danbo.

Siyaminnukacayen, oluye Sinafow ye; u be Sikaso n'a lamini na. Miyankaw be Kucala kafé kono. Fulaw ka Wasolon ani Ganadugu; nka

olu te fulfulde fo, n'o ye fulakan ye. Samogow ka ca Kajolo kafé kono. Bōbōdugu dōw fana be Sikaso marabolo kono.

Ja ye dōgōnō ni Kōrōbōrō caman lawuli ka bo u sigiyorow la, ka na nēmayorow la Sikaso. A jirala k'a fo Sikaso kafé min jama ka ca n'a kafé tow ye, o ye Kajolo ye.

Dugujukoronafolomafenkōnasira la, Sikaso dugukolo falen don sanu na. Sanubē bō Morila, Kalana ani Siyama. Aliminiyōmu, Nikeli ani Jarman, olu bōli ma damine folo.

Iziniko nasira la, Sikaso tugulen be Bamakōla. Jago ni taamako fanga ka bon, k'a sababu kē Sikaso ni jamana 3 be danbo : Kōnwari, Burukina ani Lajine.

Sikaso mara joyorō ka bon kosebe cikeko la :sumanw, kōri, jiridenw ni nakōfēn, olu carman be sōro yen, bawo dugukolo ka di, nēema b'a la. O de koson a welela kenedugu bawo fen kene be sōro yen san waati bēe kono.

A jirala k'a fo Sikaso mara sigibaga folow ye Samogow ye, Sinafow nana olu kōfē; Maninkaw, Bamananw ni Julaw tugura olu la. Tarawelew b'o kulu sabanan mogow la.

Bi, bamanankan be jinika kē Sikaso forobakan ye, ka Sinafokan ni Miyankakan tugu o la. Laadalakow fanga ka bon Sikaso. Bala ye sigida folifēn kōrōba ye Donsofoli, nkusun, superekōn, kunedon, na ani jow sōnni o laadaw be sigi yorō dōw la hali bi.

Sikaso yorō kōrōbaw ye mamelon ye. Sikaso Cēba tun y'a ka masakēsō jo yen. Mugubon fana tun b'o yorō in na. Sikaso Tata kogo kunkurunw be yen hali bi, o tun kelen be ka dugu kōri. A jora Cēba ni Babēnba fe, ka kēlew kūnben. A tun be dugu lamini k'a ben, kilometē 9 n'tila kono. Kogo ju tun bonya ye metere 6 ye.

A sanfela tun ye metere 2 ye. A kundama tun ye metere 4 ka se 6 ma.

Karangada 5 tun b'a la k'u sugo. Yōrō werew be Sikaso mogō be se ka wuli ka taa minnu laje :

1 - Misirkōrōfarawo: Akundama be se metere 80 ma. A kōronfēkēre ye tontigw ka laadaw latilenyōrō ye. A wōroduguyanfan ka digi tilebin kan, silamēw bē selini dugawuni sarakaw bō yen. Bulonba min b'a la n'o be sanfe, folo ni kele tun nana mogō tun b'u dogo yen, ka dumuniw kē yen. Misirkōrō farawoba ni Sikaso dugukonona ce ye kilometere 12 ye.

2 - Farakō ni Woronin jisuruntuw : Farakota ni Sikaso ce ye kilometere 28 ye. Woroninta be kilometere 65 la.

O yoro ninnu na, ji be suruntu ka bo kulusanfē kajigin. Jimunumunucogo, a serisericogo n'a mankan, olu ye dakabanakow ye minnu be mogō nēnaje.

3 - Keletigi kuruma Bērēte ka pale fana ye dakabanayōrō ye. Ale de tun ye Sikaso kelekuntigi ye tubabuw natuma

4 - Sudan donda : O ye kuluw ye minnu be damine Kebenin, ka teme. Siyu fe ani Woronin. U be laban ka na Sudan donda laben Kodōndugu. Sudan donda ye fara belebele fila ye minnu be Sikaso ni Buwake siraba kēre fila la k'u dalakēn i n'a fo donda.

5 - Fakokuru misiri : O ye misiri do dilannen ye a yēre ma kulu la, moriwbē taa seli min kono. A sanfela la, hadamaden jaw dilannen be kulu la yen, mogō t'u dilanbāga dōn.

6 - Kululajiwoyoba dō be Kaniko : Ale ni Kucala ce ye kilometere 12 ye.

7 - Diranfaama : Oye fara jemando ye min kundama be se metere 10 nōgōnna ma. O sanfela la, a b'i ko ce dō n'a muso n'a den deselen don fara la yen.

Marabolosigi siratige la, n'o ye desantaralizason ye, Sikaso tilalen be k'a kē serikili 7 ye: Bugunin, Kajolo, Kolonjēba, Kucala, Sikaso, Yanfolila, ani Yorōso.

Komini hake ye 147 ye, ka dugubakōnōkomini hake ke 3 ye : Sikaso, Kucala, Bugunin. Cikedugukomini hake ye 144 ye Burusikōnōdugu hake 1.831 ye.

Tariki siratige la, an be se k'a fo ko kenedugu fanga sintira Tarawelew fe. A masake folo kē Masa Dawula Tarawele ye. Osigilentun be Bugula. A den min sigira a nōna, o kē Cēba Tarawele ye, ale ye fanga yelēma Sikaso k'a bō Bugula.

Cēba kā fanga y'a ta san 1876 la ka se san 1893 ma. Ale de ye Sikaso tata jo ka dugu lakana. Samori Ture ye kalo 18 kē Sikaso dala a ma se k'a minē.

Cēba ntanyalen, a dōgōke Babēnba Tarawele sigira a nōna. Oni tubabuw ma bēn sigi la. Tubabuw kelen ka Segu minē, u y'u nēsin Sikaso ma. Tubabuw nana dugu kōri dōgōkun fila, u be k'a bon ni gele ye su ni tile. Mēkalo tile 1 san 1898, tatakogo karila. Babēnba ko saya ka fisā ni malo ye.

Anyerikunnafonisōro Entéreneti kan.

Bayeñabaga : Mahamdu Konta

**Kibaruseben be bō kalo o kalo
juma laban na. Mogōw be se k'u
hakili to o waati la ka taa u ka
Kibarusebenw nōfē u sōcōyōrōw la**

Laturu buruju bora Makan jamana na

Ne 3tan to

malo. O fen ninnu dilen kofe, tine so 16 be seben ka di i ma i b'o durusi. Sebenfurako tun te yen. Dow tun b'a ci filen kolon kono ni murubilennen ye walima jiripanparan kan. N'i ye filen kolon durusi ka ban waati min na, i ka tine be soro ka jenjen n'o ye ka tineda yamaruya di i ma. Tine jenjen ni kuranejigin de be sanga noggon ma. Danfara min b'u ce, tine jenjen ni ye siye kelen ye i si mumu kono. Ni tine be jenjen, tinedala were minnu be dugu n'a lamini na, n'i bolodonbaa n'olu ye kokejoggow ye, olu be wele ka na a ka k'olu jena. Nka o te wajibi ye. O kun ye mogow k'i bilasira ni hakili numan ye. Bolodonfen minnu nana, olu be ke dumuni ye mogow b'o dun.

Tine fana be son. Mog o mog ka baara ye laturuda ye, san o san a ka kan ka tine son. O ye k'i teriw an'i donbaa laturudalaw wele i ni minnu ka ko ye kelen ye. A'be na tilen ka tine da ka noggon bilasira. Ba ni sisew be faga ka dumuni tobi tineson na.

Banankoro Cetinka fola, tine jenjen ni nafa be mogo bolodonnen yere de kan. A kebaliya t'a bali ka tine da, walima ka fen soro a la. Nka i bolofen te basigi, iyere te basigi. Hali n'i wulila ka taa domataama na i te se ka to jatigila kelen na dugu kelen kono. A dun be fo an ka nsana na, ko dugubila ka fisna ni jatigilayelema ye.

Saraka joyoro ka bon tineda la. Ale de be nogo ko ka bo mogo garijoge jema, k'a saniya. N'i ye mogo mako laje, n'a be ne a ma se sarakali ma, walima n'a te ne wa saraka t'a la, o be don. Nka n'a be ne ni sarakab'a la, n'i m'o saraka in bo a te ne. A ko, ko dow nen'i kuntaala ka jan. k'i be se k'olu saraka fo siye caman tine da o da tile kono, dogokun kono, kalo kono walima san kono.

Doolo dogni y'a damakalan ye tinedala fe. Kabini folo fo bi, mogo be sigi tineda kama n'i be i balo soro a la ka mogo werew mako ne a la. Tinemasa minnu lakodonna kosebe Nenkong n'a lamini na, olu tun ye Forokoro n'a denke Kaajo ani Baarozan ye ka bo Nenkong. Yelekebugu Jorke, Tarakeye Weyina, Kelenkelon Mamuru, Jekuma Nco, Dosorola Guwanjiri ani Filanin Fabu. Cetin hakili te o Filanin Fabu in boyoro la bilen.

Tinemasaw delila ka kabako ke laturula ka teme; kerengkerenneny la Nenkong Forokoro. Tuma min na tinedalaw ye cayali damine Segu mara kono, u ko Da Monzon ye tinemasa lakodonnenw wele k'a don n'u be tine kan. Nenkong Forokoro n'a kanemek Jitumun Bala ni dow ko Jitumun Musa, olu taaa noggon fe. U ko Da tun be tilen gaba min jukoro, k'a tun ye ntufanin do mina ka nco biri o dala o ga sanfe; dow yere ko bulon

1 - Isufu (Seeju)	2 - Adama	3 - Mahamadu (Melsju)	4 - Idirisa (Aliba)	5 - Ibarahima (Taliki)	6 - Isa Bunu Mariyama (Enzan)
7 - Umaru Bunu Katabi (Lomara)	8 - Dawuda (Alimankusi)	9 - Bubakari Sidiki (Alahutaala)	10 - Muluku Solomani (Teremise)	11 - Ali (Sawu)	12 - Nuhun
13 - Jon Bilali - Yuluza (Gariyan)	14 - Usumani Bunu-Afaana (Mori Sumana)	15 - Alasani (Lawusine)	16 - Musa Taramaalahu (Sike Musa)		

Tinedenw togo an'u taamasiyen

sanfe. Ka sisce kelen don segiba jukoro kinin fe ani ka kami kelen don segiba were jukoro numan fe. U ko tinedala camany'a jira ko fenjenama b'u koro; nka ko Forokoro ni Bala de y'a sementiya ko kamanmafaw don. O don de, ko Da y'a wajibya tinedala ni filelikela tow kan, n'u be tine ci, u k'a damine ni Nenkong Forokoro ni Jitumun Bala togo ye



Cetin Jara ye tinemasa ye

Dow yere ka lakalila, Da Monzon ye fini biri mogo do la so do kono ka tinedalaw wele k'o jira olu la, u ka laturu da n'a na keneya ani fura min mana ye a la. Kroboli tun don. U ko Jitumun Bala ni Nenkong Forokoro de y'a jira Da la, ko mogo in salen don, k'a ma se furajini ma bilen. U ye fini bo a la k'a soro a salen don o cogo la.

Mogo b'a hamid fo buguri la ka di tinedala ma o be tine ci k'a sensen k'a wolo k'a dugu kalan. A ka ca a la tineden fanba mana a sara somi na,

o y'a tigi hami ye. Laturu be mogo ka ko temenenw, ib'e waati min na sisan, an'i ka ko sininama bee jefo. A numan ye tinedala ka se k'o faranfasiya, tile ni su kono tineden min be waati min fana maana k'o fana don.

Mogo kelen ka tine da laturukala fe siye caman ko kelen kan, o bee te jaabi kelen di. Dow be kuma i kan, dow ye i sigiyoro kow ye, dow y'i jenjoggow kunnafoniw ye walima i juguw.

N'i ye mogo tan fo tan ni ko bisimila tile kono, i b'a soro saba walima naani ka tine san filanan walima sabananw ye kelen ye. Nka tine san folo koni man teli ka ke kelen ye. Mog o te kelen ye, nka haminaw be se ka ke kelen ye.

Tine mana saraka, a jaabi be se ka teliya, i n'a fo a be se ka sumaya. Saraka de be ninifnen sama (wele) ka na a tigi ma. Saraka mana jo noco na, kumunnen fera kene kan, n'o ti ka sorojoro la i be se k'a san izininancon dilannenw na, bitiki la. Jatemine na muso hake min be don tinedalaw kan walima filelikelaw kan, o ka ca ni ce hake ye tile kono; sabula muso te se ka geleya mununka meen, ko karabalenw fana ka di a ye. Muso be taa a denw walima a balimaw fana makow la. Ce man teli k'o ke. Ale b'a yerekun doren de jore ka caya.

Tine ye dacogo saba ye mogow bolo. Tine kurunnin, kalajan ani surukunin. Nin saba la Cetin y'a jira ko kalajan de ka taamasiyen ka kene kosebe. Tinedala be se ka wele doma; nka a ni soma te kelen ye. Tinedala ye mogow makow nebaa ye; kasoro

soma ye makosala ye. Ale be baara kenibasiwnisuyalakowy. Tinemasa man ca sisan. Mogow t'a sebekoro kalan ka balo a la. On'a ta bee, mogo caman b'a fe ka balo laturu la kasoro a m'a kalan k'a don. O be soro warikonata fe. Min mana bolodon tine na kaban, o be koroto soro ma; hali a dow t'u ka tine jenjen makono bilen. Olu be mine siri ka taa domayaala la. Fo n'o ye sonyali, binkanni ani kalabaanciya ni namara ke ka fen mine mogow la; n'o te tine te se ka fen lase o ma. Sabula a dogni ya t'a la.

Ka laturu kalan k'a don a jema mogo faamuyalenba fe, o kuntaala be se san fila fo saba ma. Nka n'i hakili man di a be se ka caya n'o ye. Ni tineda kalanni lakoli be yen o de be son ka teliya; n'o te n'i be laturudala bara, a ka sokonobaara niforolabaara min mana se, i be kalan jo k'o ke. Hali dugutaaw, i be bila o bee la. Sabula karamogo yere y'a kalan o cogo la munun ni sabali kono.

An be waati min na tine kalanni ka nogo. Mogo caman kalanna lakoli, morikalan walima balikukan na. U be se ka kunnafoni caman seben, ka to'olukan. Fol o beee tun ye dalafoli ye. A be fo min ye, o dan t'u ye k'a hakili to fotaw la. N'i hakili man di i be son ka meen kosebe kalanyorla. O de la Cetin ko laturuda be sanga kurane jigin ma. N'i ye kurane jigin ka ban, i be soro ka koro sidonni kalan damine. O te don ka ban.

N'i ye laturu ba tan ni wooco fana durusi ka ban, i be tinekan sidonni kalan damine. O fana te don mogo kelen fe ka ban.

Dokala Y. Jara


Jamana togolasoboliba : Mansuru ye jōnjōn ta

Jamana togolasoboliba siñe 72nan kera karidon zuwenkalo tile 14 san 2015 Bamako sobolikene kan. A nembgoya tun be minisirijemogo Modibo Keyita bolo. Farikolonenaje minisiri Huseyini Amiyon Gindo ka fara minisiri caman wərew kan, olu tunba'kenne kan. Sobolitonba nemogo Mohamed Hayidara, Bamako sobolitonba nemogo Suleymani Makanba Dunbiya ani Pemi Mali (PMU-Mali) nemogo Aruna Modibo Ture, nin beé tun be yen.

So 75 bora Bamako, Segu, Nara, Turunkunbe ani Nioron ligiw (ligues) la ka na nin soboli in ke san soboli laban na. So fitin 40 de ye kene datige. Olu tun tilalen be kulu 2 ye. Kulu folo sow la, Toguna Endisitiri kera folo ye ka Eresipe, Ayikilon, Jene ani Oranzi Mali da-da ale kan. Kulu filanan sow la, Haji kera folo ye ka Perensi, Zuzi, Zimo ani Malimagi da-da ale kan.

So mankanw ye nōgōn soro m2.400

*Minisirijemogo
Modibo
Keyita ye
jōnjōn don
s a n
sobolila
n a n a
Sekine
Hayidara
bolo*



kan. Barawili kera folo ye ola, ka Alifa Bulondi, Seki Tijani, Giladisiani Uruwa de Ieri da-da ale kan. Tulon kuncera ni sodanso 16 ye m3.600 kan, n'o ye sobolikene mununmununko 3 ye. Mansuru wulila k'a jo ni jōnjōn (Mali darapo) ye. Ale bolibaa

Sekine hayidara ye; o min degelikaramogo ye Banjugu Jawara ye. Kabini sira dira boli in kama, a sinna ka folo ka sow nekun mine fo ka boli ban, dōwēre ma se ka teme a la. Minisirijemogo Modibo Keyita kelen ko ka jōnjōn don san sobolila nana


Sekine Hayidara bolo, a ye foli ni tanuni lase Mali sobolitonba ma nin soboli in labenka numan na, ani k'a jira farikolonenaje minisiri la oka lajnini konona na, ko goferenaman bena a seko ke sobolikene inbaara tolabanni na a tena meen tuguni. Kabini Bamako sobolikene labenni jora yoro min na san 1991 waati la, a san 24 ye ninan ye fēn tun ma fara o kan folo.

Kene in kan so fila karafe donna minisirijemogo bolo. Sokeleny'a yere ta ye, to kelen ye jamana kuntigi Ibarahimu Bubakari Keyita ta ye. U jansara n'u ye Mali jagokelaba do fe min ka cakeda be wele tubabukan na «Ecurie Chelsea». Ce in togo ye Mamadi NJayi. A be wele dow fe Madufin.

Mali sobolila nana min kera Sekine Hayidara ye, jansalifen dira ale ma, ka Banjugu Jawara fana ke san sobolilaw degelikaramogow la nana

B. Cero / Dokala Yusufu Jara

Mali batoncakeda ye baton kura fila kurunbonkari



Mogo 350 fo 450 be don a kelen-kelen kono ka fara doni toni 350 fo 400 kan

Mali jamanakuntigi folo Modibo Meyita ani Firuni Agi Alinsari min tun ye burudāamew ka kelenmasa do ye n'a tun y'a kankan nansaraw donni ce Mali kono, olu togo dara baton kura sorolen fila ninnu na jamanakuntigi Ibarahimu Bubakari Keyita fe.

Baton fila ninnu kurunbonkariila zuwenkalo tile 13 san 2015 Kulukoro Komanawu (COMANAV)

ia n'o ye Mali batoncakeda ye, jamanakuntigi fe. Minisirijemogo Modibo Keyita, depitebulon nemogo Isiyaka Sidibe, minisiri dōw ka fara maaba wərew kan, nin beé tun b'a kene kan.

Mogo 65 be don a baton kelen-kelen kono. U mana fa cogo o cogo la, u jukorla hake min be jigin ji jukor o te teme m 0,80 kan. U be se ka kilometre 20 fo 25 boli lere

kono. Nin bena ke sababu ye ka ni kura dor Mali batoncakeda ka baaraw la; ka da a kan baton do ninnu kɔrɔla. Baton kura fila ninnu sanna Siniwajamana fe; u musaka benna sefawari miliyari 3 ma. U sanna Sotelima feerelen wari la. Yanni ka baton kura ninnu soro, Komanawu tun be baara ke ni baton folo minnu ye, olu tun be wele Zenerali Sumare ani Kankun Musa walima Turnutu. Zenerali Sumare sanna san 1965, Turnutu soro la san 1985. Baton wulituma Mali kono, o tun ye zuluyekalo banwaati ye ka don zañwuyekalo la; n'o be ben kalo 6 ma san kalo 12 mume na. U gansan ka girin kojugu; ji te se u kɔrɔ n'o waati bora a la. Sankanso 3 b'a kelen-kelen na. Mogo 350 fo 450 be don a kelen-kelen kono ka fara doni toni 350 fo 400 kan. Feerelikoyorow ni barokeyorow b'u kono.

O doni fanba ye dumuniw ye; n'o ye now ni malow ani jiridenw ni legimuw ye, olu be jigin Moti, Turnutu ani Gwo. Nka n'u be

segin, o doniw ye kɔgɔw, ntamarow, jiegw ani jabaw ni fēn wərew ye, minnu be soro jamana kɔrɔyanfan fe. Taakasegin in kɔrɔna na, baton mana se joyoro fēn o fēn na, o y'a damana jenaje ye.

K'a ta san 1962 ka se 1976 ma, Komanawu tun ye cakedaba ye Mali kono. Nka kabini ja daminenja jamana kono, caman bora batonko sanga la. Badinge fara cencen na, baton ninnu fana korola. Ateliye (dilanniyɔrɔ) min fana tun b'a jo ni batonw kɔlosili n'u dilanni ye, o ka baara dabilala san 1968 waati la. Nin baton minnu soro file, olu ka fegen. U bena se ka baara ke kalo 8 fo 9 kuntaala kono.

Bayi Kulubali
Dokala Yusufu Jara

«AMAP» kuntigi
Usumani Mayiga
Kanw kunnafonisebenw
baarada kuntigi
Lanzé Samaké



BP : 24 - Telefoni : 20-21-21-04
Kibaru Bugufiye Bosola
Bamako - Mali

Sebenniékulu
Mahamadu Konta,
Dokala Yusufu Jara

Labugunyɔrɔ : AMAPU gafedilan
baarada

Kalosara dogomannin hake minnu kofolen file nin ye, lenpo te tige u la. Minisirijemogo ye nin sariya kura min ta, o be sariya kono bin. N'o ye sariya min tun tara san 2004 zuluyekalo tile 5 n'a nimoro tun ye 04-253/P/RM ye, kalosara dogomannin hake dantigeli kan. Baarako, goferenamanbaarako, fanga mabsenni ani goferenaman ni fangabolon tow ce kɔjenabo minisiri, Nafoloko ani wariko minisiri, Nogondeme, hadamadenya sabatili ani koronfemarabolow joli minisiri, o kelen-kelen bena a jovore fa nin sariya kura talen in waleyali matarafali la.

Kalosara dogomannin kera sefawari d7.000 ye Mali kono

Minisirijemogo ye nin sariya kura min ta, o be sariya kono bin. N'o ye sariya min tun tara san 2004 zuluyekalo tile 5 n'a nimoro tun ye 04-253/P/RM ye, kalosara dogomannin hake dantigeli kan. Baarako, goferenamanbaarako, fanga mabsenni ani goferenaman ni fangabolon tow ce kɔjenabo minisiri, Nafoloko ani wariko minisiri, Nogondeme, hadamadenya sabatili ani koronfemarabolow joli minisiri, o kelen-kelen bena a jovore fa nin sariya kura talen in waleyali matarafali la.

K'a damine san 2015 zanwuyekalo tile folo la, lere kelen baara musaka dogomannin kera sefawari d40,384 ye; kalosara be ben o la sefawari d7.000 ma.

K'a damine san 2016 zanwuyekalo tile folo la, lere kelen baara musaka dogomannin bena ke sefawari d46,154 ye;

Hake feno fen farala baarakelaw ka kalosara kanka teme, o bee jate be kalosara dogomannin dantigeler in na. Hali farankan min kera nogondeme sira fe, o fana b'o la.

Zinoriw ka kupudimoni :

Mali ye Sengali bugo 3 - 1, ka joworo 3nan ta



Sanubalon dira Adama Tarawele ma

I n'a fo san 1999 ta cogoya, Mali zinoriw ni kunnawolo seginna so. U ye Sengali taw gosili min ke 3 ni 1 joyorcsabananjini na, zuwenkalo tile 21 san 2015, o y'a to u ye medayi nsiralamasoro. Adama Tarawele kera a don ntolatanna jana ye. A ye bi fila don bi 3 ninnu na.

Seyidubilen Keyita bora zinoriw la a san 16 ye ninan ye. Nka an be don min na Adama Tarawele be k'o joyoro fa kosebe. Mali ye ntolatan fen o fen ke Nuweli-Zelandi, Zinoriw ka kupudimoni kene kan, Adama Tarawele ma dogo mogo la. A n'a

tonogonw ka cesiri de y'a to Mali ye medayi nsiralamasoro a kene kan. Degelikaramogo Fajeri Jara ka cedenw y'u fasa fili a nema. Ben ni kotonogontala y'u se nin yoro in na. Denmisen ntolatannaw tun famana ka nin nognna cesiri ke faso togo la. U ye Gana gosi 3 ni 0 ntolatan tako filanan na. Kabini o kera, mogow tora k'a fo, ko Mali ni kunkorota bena so ninan. An famana k'u nognna denmisen bije kene ye Mali togo la. U ni Alimani ka filanninbin kofe, u y'o gosi 4 ni 3 penalititanna. Uni Sengali ta kera o la laada latilenni ye. Sanga

90 y'o ko jenabo.

Sanubalon dira Adama Tarawele ma
Adama Tarawele ntolatancogo tun ka ni kosebe Nuweli-Zelandi, zinoriw ka kupudimoni kene kan. Ntolatan feere caman b'a bolo, a hakili ka di kada o kan. Tine yere la a kera zinoriw moteri ye fadenkenne in kan. Bilennen ni sumanen a tun b'a bee cema. Adama Tarawele tun b'i n'a fo degelikaramogo, keneb kan. A be ntola di a tonogonw ma ka ne, n'u ka kanka ntola kalaya walima k'a lasuma waati minnu na, a tun b'o bee jenabo. Adama Tarawele tun be ntola tan Segu (AS) Bakarijan na. A yelemana Lili la Faransi san 2014 konona na. Koredien a b'a jo ni cemance ye; nka nin kupudimoni in kene kan, Adama y'a jo hali ni kerefelawye. Ob'a jira k'a be se ka ntola tan ntolatankene joyoro bee la, fo n'a kera jo kolsili ye. A ye bi 4 don zinoriw ka kupudimoni in kene kan, ka ke caman were donni sababu numan ye. Da kelen tun te Mali la kene in kan; nka Adama Tarawele kera sababu ye ka Malisankorota yen kosebe. Ode koson sanubalon dira a ma, k'a ke zinoriw ka kupudimoni in ntolatanna jana ye. Adama Tarawele kera Mali ntolatanna filanan ye ka sanubalon soro. Seyidubilen y'a soro san 1999.

Solomani Bobo Tunkara
Dokala Yusufu Jara

Alikurane faamuyali nogoyara balikukalanden jolenw bolo

Elihaji Modibo Jara te mogo dogolen ye Mali kono bilen. Silamediine taabolow faamuyali la, a ye gafe (Kitabu) caman seben bamanankan na; Alikurane bayelemmanib'o la k'a ke gafe naani ye. Elihaji Modibo Jara y'olu fara nogon kan nin sen in na ka ke gafeba kelen ye, min togo ye «Alikurane bayelemmanen bamanankan na». Gafe ceji don ka kofara girinman k'a la min ne binkenemana don ka nege numanninw'okan. Adilanna Eziputi faaba la n'o ye Keri ye.

Gafedilan cakeda min y'a dilan o bewe larabukan na «Alimujalabi Arabi».



Alikurane
bayelemmanen
bamanankan
na

Elihaji Modibo Jara ka fola, danfararin be gafe naani folo ninnu ni nin gafeba incenkokola. Gafeba kelen inkonko sebekoro walawalanne don dugumanaw na, sebenfura new kan. «Alikurane bayelemmanen bamanankan» na, a santa be soro sefawari doreme ba saba (3.000) la. Elihaji Modibo Jara lasorocogo: Telefoni 63 37 20 20 / 60 73 10 60 Dokala Yusufu Jara

Dine ntolatanko (FIFA) nemogoba y'a joyoro labila

Jekuluba min sigilen be dije ntolatanko kunna n'o ye FIFA ye. A nemogoba Sepu Bilateri, o y'a joyoro labila ka da a kan mankan cayara a nofe k'a yera yuruguyurugu caman ju la FIFA kono.

Lamerikenw ani Eropu ntolatanko jekuluw, olu y'u bolo da sonyali ni yuruguyurugu caman kise kan minnu kera FIFA nemogow fe. Nka o n'a ta be, Afiriki ntolatanko jekuluw kera sababuye Sepu Bilaterika sigikokura FIFA peresidanya la.

A sigilen peresidanya tile damado doron, a y'a joyorolabila, k'a bora FIFA nemogoya la. O ma ke gansan.

FIFA ye farikolonenaje jekuluba ye dije kono min fanga ka bon kosebe nafoloko siratige la, hali politikiko siratige la.

A jirala k'a fo nafolomuguba min be FIFA bolo, a nemogow y'o caman yuruguyurugu. U ma dan o ma, u ye yuruguyurugu yere ke u taabolo n'u baarakebolo ye. Mogo te sigi nemogoya la k'i ye laadiri ye, k'i be se i ka baara la, ko jama b'i ko, fo n'i ye ibolo bila i kun ka yuruguyurugu ke. Kupudimoni soroli jamana do fe k'a laben, o fana y'o yuruguyurugu kelen in ye.

Fo surofende ka di FIFA nemogobaw ma, n'o te i te se ka kupudimoni soro k'a laben i ka jamana kan.

Bo kera, o yuruguyurugu caman de kalama, ka seereyaw soro ukun. FIFA peresidan y'a ye k'a fo a tene boda si soro nin ko in na, a te ne min ko a y'o ke, k'a joyoro labila.

O tuma, wote wera bena laben ka

peresidan kura sigi.

Sepu Bilalteri yere ye Siwisi jamanaden ye. A si be san 79 na. A sigira FIFA nemogoya la san 1998 zuwenkalo tile 8. A ye sije 4 ke wote be ke a ye k'a sigi nemogoya la. A sigira sije 5nan fana na nk'o ma laban bawo a y'a joyoro labila. A ye san 20 min ke FIFA kunna, a ni Afiriki ntolatanko federason sera ka ben. Aye joyoro numan di Afiriki ma ntolatanko la, o koson fo ka taa se a binni ma, Afiriki m'a kobia.

Fineba mana wuli, bee bolo be i kunminen na. FIFA kono, federason 209 de be wote ka nemogo sigi. O federason 209 na, Afiriki ta ye 54 ye, Eropu ta ye 53 ye, Azi ta ye 46 ye, Ameriki kejekayanfan ta ye 35 ye, Oseyani ta hake ye 11 ye, Ameriki

worondugyanfan ta ye federason 10 ye.

N'a ma ne ko wote bena ke, ko peresidan kura bena sigi, a ka ni Afiriki k'a hakilito a yere la. Sira o sira be na ni Afiriki ntolatanko segiini ye ko, k'a laafu, k'a tine, ka na ni yuruguyurugu nisonyalinibenbaliyaw ye a kono, nemogow ka kan k'u yoro janya ao bee la.

FIFA ka yuruguyurugu do dara kene kan :

Afiriki disidi ye kupudimondi minlaben san 2010, surafen de y'a to n'a sera k'o soro. U ka federason ye dolawari miliyon 10 de bo walasa ka FIFA nemogo saba ka wote san, o benna sefawari miliyari 5 ma.

Mahamadu Konta

SANI 2015 ZUWENKALO KIBARU KONOKO

- n° 2 : Minisirinemogo Modibo Keyita ni depitew ka hakilijagabo bulonba kono
- n° 3 : Lawalebaro : Mali masabafanga : fanga jujon fo ka se Sunjata Keyita tile ma

Laturu buruju bora Makan jamana na

- n° 4 : Batakiw
- n° 5 : Kalankene n° 154 : Bamanankan na, waati temenen jiracogo ka ca Dukene n° 128nan : Sikaso marabolo
- n° 7 : Mali batoncakeda ye baton kura fila kurunbonkari
Kalosara dogemannin kera sefawari d7.000 ye Mali kono